

Powšitkowne WOZJEWJENJA

njedźelu, 1. febraura 2015

Mandźelske seminary

Lětuše terminy mandźelskich seminarow w Smochčanskim Domje biskopa Bena su 20./21. februara, 13./14. měrca a 27./28. nowembra. Přizjewić měli so zajimcy pisomnje hač do pónđzele, 26. januara, pola Dekanatneho dušepastyrstwa, Młynski puć 4, we 01920 Worklecach. Formularj k tomu móža sej w cyrkwjach sobu wzać.

Tydzeń za džědow a wowki ze swojimi wnučkami

„Tak pisane je naše žiwjenje!“ rěka hesło tydženja za džědow a wowki z wnučkami, na kotryž přeprašuje Dom biskopa Bena w Smochćicach a kotryž budže wot pónđzele do pjatka, 16. do 20. februara. Nimo tematiskeho džěla a wulětow změja džědojo a wowki dosć chwile za zhromadnu zaběru ze swojimi wnučkami. Přizjewić móža so zajimcy w Smochčanskim Domje biskopa Bena pod telefonowym čislom (03 59 35) 2 23 16. Tam dóstanu tež nadrobniše informacije.

Komedija posledni raz

Poslednje předstajenje komedije „Jedyn Šwjerčik přińdže zrědka sam“ budže tutu njedźelu, 1. februara, w 16 hodź. na Krawčikec žurli w Chróšćicach. Hrajerjo Chróšćanskeje dźiwadloweje skupiny wšitkich wutrobnje přeprašuja.

Katolski Posoł tež w formaće PDF přijimać

Štóz ma zajim, móže Katolski Posoł tež na swoju e-mailowu adresu w formaće PDF přijimać. Abonement płaci runje telko kaž přez roznošowarja we wosadže, 25 eurow wob lěto. Štóz pak přidatnje k wučišćanemu Posołej dalši abonement w formaće PDF skaza, trjeba za tutón jeničce džesać eurow wob lěto płacić. Wón měł jeničce wěryhódnje dopokazać, zo je papjerjane wudaće Katolskeho Posoła hižo zapłaćil. Lěpšina přijimanja na e-mail je, zo dóstanu abonenca hižo pjatk popołdnju Posoł a zo móža sej jón na swoim kompjuteru składować a pozdžišo lóšo za přinoškami pytać.

Katolski Posoł ma nowe faxowe čisło

Wot hnydom ma Katolski Posoł nowe faxowe čisło (0 35 91) 68 08 40 89. Dotalne čisło (0 35 91) 4 22 07 hižo njepláči.

Pytaja hojenskeho hladarja a kublarja

Dom swjateho Jana w Smječkecach pyta sobudžělaćerja z kwalifikaciju hojenskeho hladarja a kublarja (Heilerziehungspfleger) abo chorobnu sotru respektiwnje hladarja z wolu, žadanu kwalifikaciju nachwatać. W Janskich kupjelach bydla duchownje zbrašeni ludžo, kotrychž tam zastaruja a spēchuja. Pisomne požadanje njech pósćelu zajimowani na adresu: Christliches Sozialwerk gGmbH; Janska kupjel 1, 01920 Worklecy.

Putniske jězby do Proveny a Fatimy

Lětuša putniska jězba z busom powjedže nas wot štwórtka do štwórtka, 14. do 21. meje, do Italskeje a Francoskeje. Podamy so na kołožzbu k jězorej Lago Maggiore, italskej riviery, Cote d'Azur a do francoskeje Proveny. Mjez druhim wobhladamy sej města Nizza a Monaco, Aix en Provence, Avignon a Nimes a wopytamy znate putniske městno Les Saintes Maries de la Mer w Camargue.

Pućowanski běrow A-Teams ze Šěrachowa organizuje putnisku jězbu z lětađom wot pjatka hač do pjatka, 11. do 18. septembra, do Santiaga de Compostela a Fatimy. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodž.) abo pola mje w Hórkach, Sydlišćowy puć 2.

Maćij Hadank

Zhromadne posćenje

Sonja Hrjehorjowa poskićuje tež lětsa w Sulšecach zhromadne dny posćenja po Buchingeru. Zawodny přednošk k tomu budže pjatk, 27. februara, w 19 hodž. w Sulšecach. Prěni kurs započnje so pjatk, 6. měrca, a skónči so štwórtk, 12. měrca, z łamanjom posćenja. Skupina zetka so stajnje dopołdnja wot 9 do 11 hodž. Druhi kurs budže wot pjatka, 13. měrca, hač do štwórtka, 19. měrca. Na tutych dnjach zetkawa so skupina stajnje wot 17.30 do 19.30 hodž. Naprašowanja a pisomne přizjewjenja su móžne hač do pjatka, 27. februara, pola Sonje Hrjehorjoweje, Sulšecy 42, 02997 Kulow, telefonowe čisło (03 57 25) 7 05 60.